

2 JOWÃW

Ta jawén Jowāw ma erih do hahỹỹh

¹Ỹ, Jesus hã h'yy ka'eeh do sa wahë n'aa ỹ ramaneëenh doo, ỹ edëng sahõnh hë Jesus hã h'yy ka'eeh do bë panang bã habong do P'op Hagä Do asëew hõm doo. Baad bë ỹ kamahãh. Ỹ had'yyt nado bë kamahãh doo. Sahõnh hë baad hadoo do ky n'aa hapäh do bë rakamahãh na-ããj hë. ²Baad hadoo do ky n'aa ãã h'yyb tym gó tabawät. ãã h'yyb gó tabawäd had'yyt hë. Ti hyb n'aa bë ãã kamahãh. ³Hahỹỹ da bë ỹ ky n'aa edëng: Ỹ karën paawä P'op Hagä Do ër Yb, Jesus Kristo ër Yb T'aah ër hã raky en'yym, ër rat'yyd mehĩn, h'yyb nãm do ranoo ër hã. Tii d' né hë tabad'oo da ër hã, baad hadoo do ky n'aa ër bahapäh, ër ky daheeh do hyb n'aa, ër da hadoo do ër kamahãh do hyb n'aa.

⁴Tak'ëp ỹ tsebee wät baad bë wób rababok ỹ ky n'aa napäh do hyb n'aa. Baad hadoo do ky n'aa metëëk doo da rababok, P'op Hagä Do ër Yb mejũũ doo da rababok, ỹ ky n'aa napäh.

⁵Hỹỹ kã wakãn haa Jesus hã h'yy ka'eeh doo, ỹ etsëë bë hã ër kamahãh had'yyt hyb n'aa ër da hadoo doo. Dooh papuuj ky n'aa jawyk do tado bã tii. Ta paa né hë tii, Jesus hã bë h'yy ka'eeh bë du doo noo gó bë ky n'aa napäh do né hë. ⁶Hahỹ kamahãh do heh'äät: P'op Hagä Do mejũũ doo da ji bawät. Ji tamejũũ kamahãh gó ji bawät, pooj jé bë maa napäh doo da né hë.

⁷Hajõk ma matëg ji wad'ii do raketyn hõm badäk hahỹ haw'ääts hë. Sa hã dooh Jesus Kristo, P'op Hagä Do T'aah, ewäd hyy bã babä aj'yy gó. Kristo hã h'yy kawareem do yb, ji wadii do yb né hë ti tii d' ma metëëk doo. ⁸Ti hyb n'aa, baad bë hyb n'aa matakä bë rawanadii hyb n'aa rametëëk do hã. Rametëëk do bë ky dahé bã bë hasõg hõm da P'op Hagä Do wë bë moo bok do paa sãm. Bë hyb n'aa matakä bë moo bok do sãm bë gadoo hyb n'aa sahõnh hë. ⁹Kristo ma metëëk do herét doo, ta see däg metëëk doo, dooh ta ti hadoo do h'yyb tym gó P'op Hagä Do awäd bã. Kristo metëëk do baad ta h'yyb gó tenãm doo, ta h'yyb tym gó P'op Hagä Do awät, ta h'yyb tym gó P'op Hagä Do T'aah bawät na-ããj hë. ¹⁰Bë wë ma matëg see kaja bã, Kristo metëëk do tama net'ëëg bã, bë gado manä bë tób bã. Bë edëë manä ji wakããn Jesus hã h'yy ka'eeh do ji edëng doo da. ¹¹Ta ti hedëng pé ji wakããn Jesus hã h'yy ka'eeh do ji edëng doo da, ta h'yyb hata hado däk tii, nesaa do tametëëk do hã.

¹²Ti anäng nã hajõng nã bë ÿ maher'oot do pan'aa. Ti hadoo né hẽ, dooh ÿ karẽn bã ÿ erih doo gó bë ÿ maher'ood bã. ÿ karẽn bë ÿ bahehëen ÿ ber'oot hyb n'aa bë sii, tak'ëp ër tsebé hyb n'aa.

¹³P'op Hagä Do asëew hõm do babä habong doo, bë wakãän hedoo do bë m' rahyb n'aa esee. Jããm hẽ kã.